



La gruppa che ha transportau e montau dacuort la crusch da metal sil Pass la Crusch.

MAD

# Ina crusch pil Pass la Crusch

## Regal pil giubileum dil Hotel Kruezli a Sedrun

DA HANS HUONDER / ANR

■ **Il Hotel Kruezli a Sedrun sa festivar uonn il giubileum da tschien onns. Motiv avunda per in regal empau extraordinari.** Il num dil hotel deriva numnadamain dil Pass la Crusch che colli-gia ils cantuns Grischun ed Uri dalla vart dil nord dalla vischnaunca da Tujetsch. Dapi onns maunca leusi ina crusch, schegie ch'il pass porta quei num. Quei han il Forum cultural Tujetsch ed il Hotel Kruezli vuliu midar. Miez october ei ina gruppa da rodund diesch personas se-

rendida cun ina nova crusch da metal sin via al pass ed ha montau leu quella al cunfin dils dus cantuns. «Igl ei stau in mument tut special che ha dau gronda cuntentientscha», relatan *Tarcisi Hendry* ed il hotelier *Curdin Brugger*. Il Hotel Kruezli a Sedrun ei vegnius baghegiaus avon exactamein tschien onns ed ei oz els mauns dalla quarta generaziun. Vegnius construius eis el il temps che la lingia da viafier da Mustér a Brig vegneva baghegiada.

➤ PAGINA 3